



## SA EXAM PAPERS

---

YOUR LEADING PAST YEAR EXAM PAPER  
PORTAL

Visit SA Exam Papers

[www.saexampapers.co.za](http://www.saexampapers.co.za)



# basic education

---

Department:  
Basic Education  
**REPUBLIC OF SOUTH AFRICA**

## SENIOR CERTIFICATE EXAMINATIONS

**ISINDEBELE ILIMI LOKUTHOMA LOKWENGEZA (FAL)**

**IPHEPHA LESIBILI (P2)**

**2017**

**IMITLOMELO: 70**

**ISIKHATHI: Ama-iri ama-2**

**Iphepheli linamakhasi ali-13.**

**YELELA**

1. Umfundi kufanele afunde ikhaseli ngokukhulu ukuyelela ngaphambi kobana aphenhule imibuzo.
2. Ungalingi ufunde iphepha lemibuzo loke. Qala ikhasi lokumunyethweko elisekhasini elilandelako bese utshwaya iinomboro zemibuzo ebuzweko ngeencwadi ozifundileko kilomnyaka. Ngemuva kwalapho, funda yoke imibuzo bese ukhetha leyo ofisa ukuyiphendula.
3. Iphepheli LINEENGABA EZINTATHU:  
  
ISIGABA A: Inovela (35)  
ISIGABA B: lindaba ezifitjhani (35)  
ISIGABA C: linkondlo (35)
4. Landela imiyalo onikelwe yona ekuthomeni kwaleso naleso sigaba ngokuyelela okukhulu.
5. Khetha IINGABA EZIMBILI uphendule ngazo.  
  
Phendula yoke imibuzo kuSIGABA A nakuSIGABA C.

**NOFANA**

Phendula yoke imibuzo kuSIGABA B nakuSIGABA C.

**NOFANA**

Phendula yoke imibuzo kuSIGABA A nakuSIGABA B.

6. Sebenzisa irhelo lokuhlola ukuqinisekisa bona yoke imibuzo uyiphendulile.
7. Tlola iinomboro zeempendulo njengombana zinjalo ephepheni lemibuzo.
8. Thoma isigaba ESINYE NESINYE ekhasini ELITJHA.
9. Isikhathi esiphakanyisweko sokuphendula isigaba ngasinye:  
  
ISIGABA A: Pheze imizuzu ema-40  
ISIGABA B: Pheze imizuzu ema-40  
ISIGABA C: Pheze imizuzu ema-40
10. Tlola ngesandla esihle nesibonakalako.

**IKHASI LETHEYIBULA LOKUMUNYETHWEKO:**

Abafundi bayeleliswa bona baphendule yoke imibuzo.

<b>ISIGABA A: INOVELA</b>		
<b>Phendula YOKE imibuzo.</b>		
<b>INOMBORO YOMBUZO</b>	<b>IMITLOMELO</b>	<b>INOMBORO YEKHASI</b>
1.1 <i>UBonakele</i>	17	5
1.2 <i>UBonakele</i>	18	6
<b>ISIGABA B: IINDABA EZIFITJHANI – UZANGENZANI</b>		
<b>Phendula YOKE imibuzo.</b>		
2. 'Imali yabantwabami'	18	8
3. 'Ukukhamba Kubona'	17	9
<b>ISIGABA C: IINKONDLO</b>		
<b>Phendula YOKE imibuzo.</b>		
4. 'Erholweni LakoNomtjherhelo'	17	11
5. 'Uyangen' umlobokazi'	18	12

**IRHELO LOKUQINISEKISA**

Tlola itshwayo (✓) erhelweni lokuqinisekisa elilandelako ukuhlola bona uphendule YOKE imibuzo elindelekileko.

<b>ISIGABA</b>	<b>IINOMBORO ZEMIBUZO</b>	<b>INANI LEMIBUZO EZOKUPHENDULWA</b>	<b>ITSHWAYO (✓)</b>
<b>ISIGABA A:</b>			
UMBUZO 1	1.1.1–1.1.10 1.2.1–1.2.9	<b>2</b>	
<b>ISIGABA B:</b>			
UMBUZO 2	2.1–2.9	<b>2</b>	
UMBUZO 3	3.1–3.10		
<b>ISIGABA C:</b>			
UMBUZO 4	4.1–4.8	<b>2</b>	
UMBUZO 5	5.1–5.9		

**ISIGABA A: INOVELA**

Phendula yoke imibuzo.

**UMBUZO 1: UBONAKELE – M Sikosana**

1.1 Fundisisa itheksthi engenzasi bese uphendula imibuzo elandelako.

**ITHEKSTHI A**

'Uthini!' kwatjho uNaSilombo. 'NaSilombo, akhe wehlisele ummoya wakho phasi' kwatjho uMahlangu. 'Ngehlisele ummoya phasi umntwanami khibe ugongodwa yindoda? Ubhalelwa bomakhelana bakho, badlala ngawe mihla le. Into oyaziko kutlhagisa umntwanami. Izolo lokhu bengibambene nabomakhelana kuyincani indawo; bapheze bangigoma ngiphila kodwana wena nawubuya ngemsebenzini zange uthande nokwizwa. Wavele wakhwela wazehlela lapha kimi wangitjela bonyana ngimi umuntu ongakalungi!' 5
Kwaba ngekulu ipi lapha kwaMahlangu baze bahlukana, bayokulala, kungekho ogobela omunye. Ihlaliswano ehle zange ibe khona. Kwaba ngiloyo naloyo wazenzela ngokuthanda kwakhe lapha kwaMahlangu. UBafunani zange abe nayo ipilo ehle lapha kwabo. Besele ayibona ihlalo le abazali bakhe abahlalisene ngayo, ngombana besele akhulakhulile aneminyaka elitjhumi nane ubudala. 10
'Umma nobaba uMahlangu ngiyabona bonyana abanakho ukuzwana phakathi kwabo. Kunjalo nje nami ngiyabona bonyana abangithandi. Umma nangabe ungithanda kwamambala, Wenziwa yini bona avumele namtjhana yini engiyenzako. Ngitjho namtjhana ngonile, uyangijamela. Ngisesemncanani kodwana into ayenzako le, angiboni bonyana izangipha isimilo esihle.' UBafunani ukhuluma nje uvela ngesitolo, kungoMgqibelo. 20 Abanye abantwana bakhambe nesikolo bayokudlala ibholo ePitori. 'Ngibawa icolo ntombi.' Kwatjho omunye umsana kuBafunani. 'Ungangibizi ngentombi mina. Angizwani nendaba leyo ngombana uyangibona bona ngisesemncani.' 25 'Uthini? Lisa ukungihlekisa wena.'

[Ikhasi 48-49]

- 1.1.1 Tlola ibizo lomsana owahlangana noBafunani? (1)
- 1.1.2 Wayebuyaphi uBafunani nakazakuhlangana nomsana lo? (1)
- 1.1.3 Ngokurhunyezweko hlathulula izinto ebegade uNaSilombo azibangisa uMahlangu esiqetjhaneni esingehla? Ipendulwakho ayibe maphuzu AMABILI. (2)
- 1.1.4 Ngikuphi okhunye okukhombisa bona uNaSilombo usisilwi ngaphandle kokulwa noMahlangu? Ipendulwakho ayibe liphuzu ELILODWA. (2)
- 1.1.5 Sekela isitatimende esilandelako ngephuzu ELILODWA.  
UMahlangu wazenza yena bona aphile ipilo yokutlhagiswa mfazi. (2)

- 1.1.6 Ucabanga bona ngisiphi isizathu esenza bona uBafunani agcine azibulele? Ipendulwakho ayibe liphuzu ELILODWA. (2)
- 1.1.7 Ngisiphi esinye isehlakalo esiveza uBonakele ngebizo lakhe ngaphandle kwalapha alwa khona noNduku noSponono? Ipendulwakho ayibe liphuzu ELILODWA. (2)
- 1.1.8 Hlathulula ngerarano elaba khona kwaMahlangu emva kobana sele akhambile emzinakhe ayokuzuma uBonakele nonina. (2)
- 1.1.9 Ingabe kuyinto EYAMUKELEKAKO nofana ENGAMUKELEKIKO bona ababelethi balwe phambi kwabentwana babo njengo Mahlangu noNaSilombo? Sekela isiqu nto osithathako ngephuzu ELILODWA. (2)
- 1.1.10 Ngikuphi ogade ungakwenza esikhathini sanje nagade bewunguBonakele unababelethi abafana noMahlangu noNaSilombo? Ipendulwakho ayibe liphuzu ELILODWA. (2)
- 1.2 Fundisisa itheksthi engenzasi bese uphendula imibuzo elandelako.

**ITHEKSTHI B**

'Baba nawe mma,' kwatjho uBonakele, iinyembezi zehla zilandelana.	
'Silalele ndodana,' kuphendula uMahlangu.	
'Awu ...! Maye ...! Kodwana ngendodana yami ekukuphela kwayo!'	
'Mma, Ngabe ukurhuwelela kwakho ngalendlela kutjho bonyana uthabele ukungibona namtjhana uyazisola ngokuhlangana nami njengobana ...'	5
'Ndodana, unyoko wenziwa kuthaba.'	
'Ngiyezwa baba kodwana ngaphambi kobana kube khona engikukhuluma nawe nomma, ngibawa into yinye kwaphela nje,' kwatjho uBonakele.	
'Kulungile ndodana, ngiyathembisa bona ngizakwenza namtjhana yini ofuna ngikwenzele yona khona nje,' kutjho uMahlangu.	10
'Nami ndodana ngivumelana naye uyihlo,' kutjho uNaMndebele.	
'Baba nawe mma.' Athule kancancani 'Ngibawa bona kuphele ukwahlukana phakathi kwethu. Ngibawa bona sibe munye njengekuthomeni. Ngaphandle kwalokho mina ngizazibulala. Begodu nangabe niyathembisa bonyana nizakubuye nibe munye njengesifungo enasenza phambi komfundisi noZimu mhla nitjhadako, mina ngizanenza abantu abanjingileko ephasini loke,' watjho njalo wathula uBonakele.	15
'Ndodana ngilokho engikuzele lapha. Ngizele bona ngizozihlanganisa nani nobabili ninonyoko, khona sizaba mmoya munye njengobana nawe sele utjhwile nje. Angazi bona unyoko yena uthini ngendaba le.	20
Ngibawa bona ungciolele khulu ngalokho engakwenza khona NaMndebele. Ngiyazisola kwamambala. 'Sengikuciolele baba. Ngizimisele ukwenza koke lokho enifuna ngikwenzele baba.' Kwaphendula uNaMndebele ngehliziyo ezele iinyembezi zethabo. Kwaba khona ukuthaba okukhulu phakathi komdeni wakaMahlangu.	25
	[Ikhasi 74–5]

- 1.2.1 Tlola bona gade bakuyiphi indawo uBonakele nababelethi bakhe nabahlangene nje? (1)

- 1.2.2 Tlola okufanako obekufunwa nguMahlangu noNaMndebele mayelana nekusasa labo njengomndeneni nawuqalisa esiqetjhaneni esingehla. Ipendulwakho ayibe liphuzu ELILODWA. (2)
- 1.2.3 Ngokurhunyezweko tlola lokho uBonakele akubawa bona ababelethi bakhe bamenzele khona? (2)
- 1.2.4 Khetha ipendulo engasiyo kezilandelako.
- Isenzo sakaMahlangu sokungalungisi iindaba zomndenakhe bekatjelwa nguSgwadi bona ayokufuna umndenakhe simveza amlingisi ...
- A ongakghoniko ukuqalana neentjhijilo.  
B onganakghono lokutjheja umndenakhe.  
C onethando nowunakekelako umndenakhe.  
D okhetha ukuthula afele ngaphakathi nakanomraro. (2)
- 1.2.5 LIQINISO nofana AKUSILO IQINISO bona uBonakele nanyana sele afumene ikamuru eDaveyton bekufanele bona abekezele ukuze akghone ukuphumelela epilwenakhe. Sekela isiqu nto osithathako ngephuzu ELILODWA. (2)
- 1.2.6 Nawuqalisisa isizinda sesikhathi ucabanga bona inovela le yenzeka ngasiphi isikhathi? Sekela isiqu nto osithathako ngephuzu ELILODWA. (2)
- 1.2.7 Ucabanga bona unjani ummoya enovelini le? Sekela isiqu nto osithathako ngephuzu ELILODWA. (2)
- 1.2.8 Ucabanga bona ngisiphi isehlakalo esiveza isithori enovelini engehla le? (2)
- 1.2.9 Coca uveze amazizwakho ngesiphetho senovela le bona kube siphetho esinjani? Sekela ipendulwakho ngephuzu ELILODWA. (2)

**IMITLOMELo YESIGABA A: 35**



**ISIGABA B: IINDABA EZIFITJHANI**

Kilesisigaba phendula YOKE imibuzo.

**UMBUZO 2: UZANGENZANI – DM Jiyane nabanye****'IMALI YABANTWABAMI'**

Fundisisa itheksthi engenzasi bese uphendula imibuzo elandelako.

**ITHEKSTHI C**

'Ngithi, usakhumbula bona uNghodela ungikoloda imali ehle kangangani?'  
'Iye kunjalo Mbuduma. Angithi ukubambe amakhulu amane weemponde?'  
'Awa usakhumbula mkami. Akhe ungizele namanzi wembokotho ngizokuthusa iingazi, angizizwa kuhle ngasuthi zikghadzile nehloko ithandukungiphula. Ngathana bengirhamulile izolo ngangisithi nginesitlamatlama.' Nangambala eze nayo ikofamadoda uNaDima. Akhe ngentonyani emjekeni athele ngekatjheni, athi rhamu kanye athokoze anikele usobantwana. 5

'Arha-ke mkami. Akhe ungidose ngeendlebe bewungimange.'  
'Awuzwa-ke ngifuna njalo. Asibuyele endabeni mfazi, uNghodela ungibambe izandla neenyawo. Kunini ngisigidlhela isikolodwesi. Namhlanjesi ngiya kokuphela, angizukubuya angakayibeki lapha imalami. Konje bayamutjho bonyana uthembe iinqababa. Namhlanjesi ngimi naye esitikini.' Ngiyakuzwa uyakhuluma baba, kodwana nofana uyokubawa uSoMgudlwa akuphekelele. Ukhumbule bona umuntu okukolodako kubudisana ukukubuyisela isikolodo msinyana. Angisayiphathi yabonghame abafana naboNghodela. 10 15

Nangahlanye ngibona ngasuthi ubaba ufuthumele khulu, anizukuzwana phambili. Kubenjani adelele, akubhedele njengombana haye enze lokha nakalandelelwako. 'Enzeni? Bengithi uza nendaba kanti nawe uhema njengaye uNghodela lowo. Khamba uyokwenza umsebenzakho. Wothi ngikhambe bengisithi sizokubonisana kanti wena uzele ukuzokugidisa umrhorhotjhi.' Nangambala angene ngendlini athathe zakhe abe yindlela. 'Tjhe! Sewuyakhamba njalo yise kaKanabo. Bengisithi sisakhuluma nje.' Sikhulumani, uKhulumani kulizinyo lakwenu lokubelethwa? 20

[Ikhasi 11–12]

- 2.1 Tlola amagama AMABILI wabantwana bakaMabhena. (2)
- 2.2 Tlola isinanazelo sakwaMabhena. (1)
- 2.3 Ngimaphi amagama alumelako uMabhena awatjela umkakhe lokha nakalinga ukukhulumisana naye ngokuthola umuntu ozomphekelela kwaNghodela. (2)
- 2.4 Ngephuzu ELILODWA, rhunyeza into eqedela uMabhena ubuthongo. (2)
- 2.5 Ucabanga bona iimphakamiso ezanikelwa nguNaDima nomkaNghodela emadodenabo zibaveza babomma abanjani? Ipendulwakho ayibe liphuzu ELILODWA. (2)

- 2.6 LIQINISO nofana AKUSILO IQINISO uNghodela mumuntu ongacabangiko nongabuyisiko lokha nakabolekwe okuthileko. Sekela isiqu nto osithathako ngephuzu ELILODWA. (2)
- 2.7 Ucabanga bona ngisiphi isizinda esitholakala esiqetjhaneni esingehlesi? Sekela isiqu nto osithathako ngamaphuzu AMABILI. (2)
- 2.8 Tshwaya ngelihlo elibukhali NGOKUKHOLWEKA NOKUNGAKHOLWEKI kwesenzo esenziwa nguKanabo emndenini kaNghodela. Ipendulwakho ayibe liphuzu ELILODWA. (2)
- 2.9 Coca ukwakwazele ngokunikelwa kwendatjana le isihloko esithi, 'Imali Yabantwabami'. (2)
- [17]**

### UMBUZO 3: *UZANGENZANI* – DM Jiyane nabanye

#### 'UKUKHAMBAMBA KUBONA'

Fundisisa itheksthi engenzasi bese uphendula imibuzo elandelako.

#### ITHEKSTHI D

Kwathi kungatjhinga ilanga wabona angathi ukubhambalala ekamerweni lakhe. Athi ukulilotjhisa nangabe kukhona iinsikizi akwazi ukuzizwa kusakhanya. Nambala omdala wathi ukubhambalala eengutjeni ezinuka kamnandi wazimisela ukuthatha amalanga amabili abe selwandle athi ukupholisa umzimba. Nambala omdala wenza njengesifiso sakhe, wazipha ilanga langoMvulo wangaphuma.	5
KungeLesibili ekuseni uMatjhiyana uvuka ekuseni ungena etjhawa. Uthe abuya wathola okuya ngendeni. Walinda bona ilanga liphakame kancazana, waphuma waliqalisa edorobheni. Ukhamba nje akazi bona lokufa alitjeli. Namhlanje uzakhe athi ukucabuza iinrwerwe zendawo. Uthe asakhamba ahlangani nomngani wakhe akade amgcina uSithole. Bubuye boke ubumnandi nethabo. USithole amthathe ambonise iindawo ezikarisako ngedorobheni. Wathanda ukulibala khulu nomnganakhe lo ngombana nakhu wamkhupha isizungu.	10
Bathe baphuma kilendawo wamthatha wamusa lapha kuhlala khona iinyoka. Phela naye uselalibele bonyana kude lapha afikele khona, uzwelele ubumnandi bedorobha. Kuthe lapha ilanga seliyokutjhinga baya evilweni (The Wheel). Bathi ukuzizwisa ngokukhwelela lijike kancazana belifike phasi bahlike. Uthe lapho ahlukana noSithole abone bona sekuhlwile kwamambala. Athome ukukhamba ngamandla kwanje, ezwe bonyana umzimba uyabhala. Lokho alinga ukukwenza kade akugcina. Akatelele ukugadanga ngamandla ezwe sele kulila isifuba tswi, tswi ehlise ikhambo lakhe. Ezwe iinhluthu ziphakama azibhambade, aqale ngapha nangapha.	20
[Ikhasi- 70–71]	

- 3.1 Tlola ibizo lomngani kaMatjhiyana ahlangani naye nakaya edorobheni. (1)
- 3.2 Tlola bona wafika ngayiphi iveke uMatjhiyana endaweni agade ayivakatjhele le? (1)

- 3.3 Tlola isizathu esenza bona uMatjhiyana akhambale indawo le. (2)
- 3.4 Ngokurhunyezweko hlathulula bona ngikuphi okwenziwa nguMatjhiyana nomnganakhe ekuhlanganeni kwabo. (2)
- 3.5 Hlathulula okwehlakalela uMatjhiyana emva kobana ahlukane noSithole. (2)
- 3.6 Umtloli uveze uMatjhiyana amlingisi onemali. Sekela isitatimendesi ngamaphuzu AMABILI. (2)
- 3.7 Madanisa amagama asekholomini A nesitatimende esisekholomini B.

IKHOLOMU A	IKHOLOMU B
1. Irarano langaphakathi. 2. Umlingisi oyikutani.	A NguMatjhiyana ngombana nguye umlingisi oqalene nomraro. B Ebhesini uMatjhiyana wabe athulile azwelela ukunghanghabala kwenceba nakahlikako bekazisola nokobana ngathana ulayeze abesana bazomthatha. C NguBhova ngombana nguye owabetha uMatjhiyana. D Abotsotsi babetha uMatjhiyana bebamthathela nemali.

- 3.8 Phendula isitatimende esingenzasi ngoLIQINISO nofana AKUSILO IQINISO bese usekela isiqu nto osithathako ngephuzu ELILODWA. (2)
- UMatjhiyana akhange alithole isizo ngemva kwesehlakalo esamvelelako ngemva kokuhlukana nomnganakhe. (2)
- 3.9 Ingabe isihloko sendatjana le 'Ukukhamba kubona' sisifundisani khulukhulu nasiqala ngehlangothini lakaMatjhiyana? (2)
- 3.10 Tshwaya ngelihlo elibukhali isenzo sakaMatjhiyana sokuthatha ikhambo elifana naleli ayedwa bona kusenzo ESAMUKELEKAKO nofana ESINGAMUKELEKIKO na? Sekela ipendulwakho ngephuzu ELILODWA. (2)

**[18]****IMITLOMELO YESIGABA B: 35**

**ISIGABA C: IINKONDLO**

Kilesisigaba phendula YOKE imibuzo.

**UMBUZO 4**

Fundisisa ikondlo engenzasi bese uphendula imibuzo elandelako.

**ERHOLWENI LAKONOMTJHERHELO – MS Ntuli**

- 1 Kwasabalala kwarhatjheka neenqwebu,
- 2 Kwasala irubhi labezimu;
- 3 UNzunza wazifihla ngeliba lendlala,
- 4 UNdala wala ukubona,
- 5 Walikhomba liphezu kwefokotho:
- 6 Wabona i-Apholo II,
- 7 Isehla njengekwekwezi ewako,
- 8 Ingwe yamfunza, waveza ifihlo.
- 9 Ingwe ebe sele iphe uNzunza umhlana,
- 10 Yatjhugulukela koNomtjherhelo,
- 11 Yabutha amakhakhazelo
- 12 Ingakayelesi bona azakutlhurha,
- 13 Imirabho idzimelele Kwa Mhlanga:
- 14 Ndebele buthwa nesakho!

- 4.1 Tlola ubukondlo obutholakala emideni elandelako:
  - 4.1.1 Kwasabalala kwarhatjheka neenqwebu. (1)
  - 4.1.2 Ingwe yamfunza, waveza ifihlo. (1)
- 4.2 Ngokurhunyezweko hlathulula okwenziwa yingwe emva kokutjelwa ifihlo nguNzunza. (2)
- 4.3 Dzubhula imida eneenthombengqondo ezilandelako ekondlweni engehla:
  - 4.3.1 Isifaniso. (1)
  - 4.3.2 Iseqamagama. (1)
- 4.4 Hlathulula lokho okutjhiwo yimbongi emideni elandelako:
  - 4.4.1 Ingwe yamfunza, waveza ifihlo. (2)
  - 4.4.2 Ingwe ebe sele iphe uNzunza umhlana. (2)
- 4.5 Tlola bona okulandelako kungathekiswa nani ekondlweni engehla:
  - 4.5.1 Amakhuwa agade alwa kilekondlo. (1)
  - 4.5.2 AmaNdebele agade alwa erholweni. (1)
- 4.6 Dzubhula umuda ekondlweni engehla ohlathulula bona laba abathumbako epini le babuyela koNomtjherhelo bayokubulala egade basasele khona. (2)
- 4.7 Coca ngommongondaba wekondlo le? (2)
- 4.8 Tshwaya ngelihlo elihlabako ummoya wekondlo le. (2)

**[18]**

**UMBUZO 5**

Fundisisa ikondlo engenzasi bese uphendula imibuzo elandelako.

**UYANGEN' UMLOBOKAZI – MS Ntuli**

- 1 Kwakwakwakwi ...!
- 2 Uyangen' umlobokazi,
- 3 Unyanyatha njengenwabu;
- 4 Ugeje ngezikanokutjho,
- 5 Nango weenkom' ezimasongesonge,
- 6 Zeempondw' ezilemele futhi.
- 7 Madoda phumani neenhlangu,
- 8 Nizokuthambel' igugu lomuzi,
- 9 Ikwekwez' ekhanya salanga;
- 10 Ikwekwezi yomkhanyo wezungu lekosi.
- 11 Hlaban' uMafunazoke
- 12 Ikomo kababa yesiko, angene.
- 13 Mfaz' eenyaw' ezimabatha
- 14 Sukel' ukutunatuna njengonombhenyani,
- 15 Uhlangel' ukuphuma kwelanga:
- 16 Ulis' ukufuthwa yintuthu
- 17 Ing' ungumaqubutjhwana
- 18 Ing' awunakhenomkhulu likhona.
- 19 Bamangel' abathi bayazazi;
- 20 Basith' umend' awukho,
- 21 Bathi; akayikuwubona.
- 22 Nang' umlobokaz' angena!
- 23 Ungen' anyanyatha njengenwabu'
- 24 Ungen' agubezele njengogubudu.
- 25 Kwakwakwakwi ...!
- 26 Nomaphelaphelana yelusa
- 27 Ilimu lakh' elimakghwakghwa,
- 28 Libophe lingangeni nomlobokazi.
- 29 Makhelana khalim' ihlizywakho,
- 30 Ulis' ukuhlolahlola ngombundwana
- 31 Uyangen' umlobokazi;
- 32 Nosokana thanyela,
- 33 Ungalis' iinzibi zibuthene
- 34 Emva komnyango nga
- 35 Zihlekis' abayeni zinganamazinyo.
- 36 Uyangen' umma ...
- 37 Nosokana ningabang' ubudala.

5.1 Dzubhula igama elisetjenziswe ekondlweni elitjho umakoti? (1)

5.2 Thalela ivumelwano elisemideni elandelako bewutlole nokobana mhlobo bani wevumelwano:

'Bamangel' abathi bayazazi;  
Basith' umend'awukho,  
Bathi; akayikuwubona.'

(2)

- 5.3 Ngokurhunyenzweko hlathulula isizathu esenza bona imbongi ithome ikondlo le ngokusebenzisa amagama la asemdeni wokuthoma beyiwabuyelele godu emdeni wama-25. (2)
- 5.4 Ucabanga bona ngiziphi izinto ezenzeka ekondlweni le ezikhombisa bona umnyanya okukhulunywa ngawo ekondlweni wenzeka ngekambiso yesintu? Ipendulwakho ayibe maphuzu AMABILI. (2)
- 5.5 Dzubhula imida esetjenziswe ekondlweni engehla esitjela bona umlobokazi lo gade kungakatjhejwa bona kuzakwenzeka abe nomnyanya lo? (2)
- 5.6 Ucabanga bona imbongi itjho ukuthini ngomuda olandelako.  
Unyanyatha njengenwabu. (2)
- 5.7 Ucabanga bona inqopheni imbongi ngemida elandelako:  
'Nomaphelaphelana yelusa  
Ilimu lakh' elimakghwakghwa,  
Libophe lingangeni nomlobokazi.' (2)
- 5.8 Ngokubona kwakho ucabanga bona ngiwuphi umlayezo omunyethwe yindima yesihlanu yekondlo le. (2)
- 5.9 Coca ngommoya wekondlo engehla le. (2)

**[17]****IMITLOMELO YESIGABA C: 35**  
**INANI LOKE: 70**